

К ОПУБЛИКОВАНИЮ

КОМИ РЕСПУБЛИКАСА ОЛАНПОДУВ ЁРД

Гражданка Оксана Александровна Колбаслысь “Коми Республикаын челядя семьяслы социальной отсөг сетан содтөд мераяс йылысь” 2011 во косму тöлысь 29 лунся 45-РЗ №-а Коми Республикаса Оланпаслысь 2 статьясö Коми Республикаса Оланподувлы лöсъявтöмön шуöм йылысь норасьöмсö видлалöм вылö примитны öткажитöм йылысь

Коми Республикаса Оланподув Ёрдлөн кывкöртöд

Сыктывкар

2020 вося рака тöлысь 25 лун

Коми Республикаса Оланподув Ёрд, кöни веськöдлысьнас вöли В.В. Кретов, ёрдысьянас Н.В. Боковикова, А.В. Проскуров,

ёрдысь В.В. Кретовлысь кывкöртöдсö кывзöм бöрын, кодi “Коми Республикаса Оланподув Ёрд йылысь” Коми Республикаса Оланпаслөн 37 статья подув вылын водзвыв видлалiс гражданка О.А. Колбаслысь норасьöмсö,

ш у и с:

Коми Республикаса Оланподув Ёрдö аслас норасьöмын гражданка О.А. Колбас вензьö “Коми Республикаын челядя семьяслы социальной отсөг сетан содтөд мераяс йылысь” 2011 во косму тöлысь 29 лунся 45-РЗ №-а Коми Республикаса Оланпаслөн 2 статьялөн оланподувлы лöсъявтöм серти.

Норасьöмсö сiйö подулалiс сьöн, мый тайö нормаыс оз лöсъяв Коми Республикаса Оланподувлы, сьлөн 17, 39, 40 статьяслы, сы вöсна мый киритö 2010 во öшым тöлысь 31 лун бöрын медводдза кага чужтысь, мöд кага пи пыдди (ныв пыдди) босьтысь, а сэсся и коймöд кагаöс чужтысь

мамъяслы дінмуса семейнӧй капитал вылӧ сертификатӧн содтӧд социальнӧй отсӧг босьтны позянлунсӧ.

Сетӧм материалъяссӧ прӧверитӧм бӧрын, Коми Республикаса Оланподув Ёрд оз аддзы оланпас серти подувъяс, медым примитны О.А. Колбаслысь норасьӧмсӧ видлалӧм вылӧ.

Сідз, “Коми Республикаса Оланподув Ёрд йылысь” Коми Республикаса Оланпаслӧн 39 статьяса положениеяс серти ёрд ӧткажитӧ шыӧдчӧмсӧ примитны видлалӧм вылӧ сэк, кор шыӧдчӧмлӧн видлалантор серти Коми Республикаса Оланподув Ёрд водзджык примитіс нин шуӧм, кутшӧм вына на.

Коми Республикаса Оланподув Ёрдлӧн 2019 во ӧшым тӧлысь 12 лунся шуӧм серти, кутшӧмсӧ примитӧма О.О. Виташкевичлӧн норасьӧм серти, “Коми Республикаын челядя семьяяслы социальнӧй отсӧг сетан содтӧд мераяс йылысь” 2011 во косму тӧлысь 29 лунся 45-РЗ №-а Коми Республикаса Оланпаслысь 2 статья шуӧма Коми Республикаса Оланподувлы, сылӧн 11, 17, 39, 40 статьяяслы лӧсявтӧмӧн сы серти, мый тайӧ нормаыс оз урчит мамъяслысь, кодъяслӧн эм Россия Федерацияса гражданство, кодъяс олӧны Коми Республика мутасын да кодъяс 2011 вося тӧвшӧр тӧлысь 1 лунсянь заводитӧмӧн чужтісны кык кагаӧс, а сӧсса 2010 вося ӧшым тӧлысь 31 лунӧдз босьтісны пи (ныв) пыдди коймӧд кагаӧс, дінмуса семейнӧй капитал вылӧ сертификатӧн содтӧд социальнӧй отсӧг вылӧ инӧдсӧ.

Та дырйи, тайӧ шуӧмлӧн мотивируйтан юкӧнын инӧда позицияыс сыын, мый чужтӧм челядь да пи (ныв) пыдди босьтӧм челядь лоӧны дзик ӧткодьӧн да ӧткодявсьӧны асланыс абу эмбура да эмбура инӧдъясӧн да могъясӧн чужтӧм рӧдвуж дорӧ, лоӧ вына да оз лӧдз кутшӧмкӧ ногӧн киритны пи (ныв) пыдди босьтӧм челядьӧс мамлун, батылун да челядьдыр социальнӧя доръян системаысь, сы вӧсна мый мӧдтор эськӧ муніс паныд Россия Федерацияса Оланподулын да Коми Республикаса Оланподулын урчитӧм да федеральнӧй оланпасъясын стӧчмӧдӧм канму социальнӧй

политикалӧн подувъяслы.

Сы вӧсна, мый тайӧ шуӧмыс паськалӧ оз торъя йӧз вылӧ, оз дзескӧдсы торъя кадпасӧн да мамӧн ассыс челядсьӧ сьӧрсӧн-бӧрсӧн чужтӧмӧн да тайӧ жӧ мамӧн мукӧд челядсьӧс пи (ныв) пыдди босьтӧмӧн, сэк жӧ вылынджык гижӧмасӧ тӧд вылӧ босьтӧмӧн ёрд оз вермы примитны видлалӧм вылӧ О.А. Колбаслысь норасьӧмсӧ.

Дӧнму материнскӧй капитал сертификатӧн босьтӧм вылӧ инӧд признайтӧм йылысь юалӧмыс оз пыр Коми Республикаса Оланподув Ёрд компетенцияӧ да оланпасӧн урчитӧм пӧрадокын вермас лоны разьӧма ӧтув юрисдикцияа ёрдӧн гражданскӧй судопроизводство пӧрадокын.

Гижӧма вылӧ подуласьӧмӧн, “Коми Республикаса Оланподув Ёрд йылысь” Коми Республикаса оланпаслӧн 39, 66, 72, 73 статьяяс серти, Коми Республикаса Оланподув Ёрд

шуис:

1. Ӧткажитны примитны видлалӧм вылӧ Колбас Оксана Александровналысь норасьӧмсӧ, сы вӧсна мый “Коми Республикаса Оланподув Ёрд йылысь” Коми Республикаса Оланпаслӧн корӧмьяслы сийӧ оз лӧсяв, кутшӧмьяс серти норасьӧмсӧ оз позь сетны Коми Республикаса Оланподув Ёрдӧ.

2. Тайӧ кывкӧртӧдыс лоӧ бӧръяӧн, сийӧс оз позь обжалуйтны да дзик пыр вынсялӧ.

3. “Коми Республикаса Оланподув Ёрд йылысь” Коми Республикаса Оланпаслӧн 72 статья серти тайӧ кывкӧртӧдсӧ колӧ йӧзӧдны “Коми Республикаса канму власьт органьяслӧн индӧд-тшӧктӧмьясын” да йӧзӧдны “Ӧтуввез” юӧртан да коммуникация везйын Коми Республикалӧн официальной сайтын (Коми Республикалӧн официальной интернет-порталын).

Коми Республикаса Оланподув Ёрд

Пас лыд – 4201

Королева